

池州府志序

馬大



周禮大司徒掌邦教而於天下土地之圖九州地域廣輪之數山陵川澤丘陵墳衍原隰之名物皆所周知詳辨而以土會之法辨五地之物生焉則知職方之所繫不僅畫土疆實以資邦教古聖王經國之大猷莫過於此也班固作漢書首志地理而郡國之志實始于唐元和是豈徒以侈幅員張阮塞哉夫亦欲使牧是土者熟察夫剛柔燥濕之宜奢儉貞淫之故而施之於政教焉耳我者

國家混一區夏同軌響臻海澨山陬莫

而江南人文財賦並甲寰宇固已郡各有書縣各有紀矣獨是池州府志修于康熙癸丑歷今三十餘年殘缺失次其間民物之宜耗風氣之升沈仕宦之推遷科目之接續槩無所徵實於今而傳信於後其將何以稱文獻之邦乎乙酉太守襄平馬君始涖池郡即瞿然於典籍之無徵而慨然以編緝爲已任乃即前志所載合之六縣舊志前朝遺志以爲之據依又上采史漢以下諸史及通鑑通考通志諸書以爲之質實又旁蒐池上碑版遺文世家掌故以爲之考証而改正乎前志之舛謬者

若干條補輯乎前志之遺缺者若干件續增乎三十餘年之所未志者若干人若干事而爲沿革星野疆域形勝風土山川田賦食貨城池官廨學校祠墓溝洫郵傳營汛災祥藝文各志世表職官科目各表名宦人物流寓列女方外各傳共九十二卷釐然稱大備焉余素與太守善茲以視學歷其地適太守之著輯將成舉大槩以相示見其義例嚴門類當考據核序列簡不覺喟然歎興曰是志也可謂明於政教之大者矣夫見於敷施之爲政而因革損益必踵乎其跡也有所漸摩之爲教而

質文忠信必鏡乎其原也余竊怪夫今之爲守令
而以精明強幹稱者不過於簿書程石之間徵發
期會之內能刻急從事以取辦而塞責已耳至問
其管內山川之何以名疆域之何以畫人風土俗
之何以雜陳而錯見而茫然不知也又問昔人之
所經營者何若今人之所法守者何若其因勢而
利導者何若順俗而節宣者何若而益茫然不知
也則又何所賴以爲政爲教乎今君治一郡而必
使一郡土地之圖地域廣輪之數山林川澤丘陵
墳衍原隰之名物瞭然如指諸掌而因以陳民風
審土俗察人物之臧否驗時勢之得失以施之于
政被之於教焉豈非攬其大焉者乎夫舉大綱宣
大化以成

天子文明之治者良二千石之事也若僅以修舉廢墜
發皇見聞爲太守功則甚非作者之意矣余不敏
有采風之責故樂觀于此志之成而爲凡有政教
之任者勸焉時康熙丁亥秋七月上浣之吉

賜同進士出身

東宮講官詹事府左春坊左諭德兼翰林院修撰提
督江南學政蔚州魏學誠撰

客有問於余者曰志與史同乎否乎余應之曰同也志家欲從而立異焉斯異矣客曰志之例職詳不若史職簡志之意主恕不若史主嚴曷爲其同也余曰子但見夫今之郡縣志耳若夫古之志地理者始自班孟堅漢書訖於羅泌路史史也亦即志也其於山川疆域土田城郭隰衍之數人風地氣物產之宜何嘗不該以核而必以濫觴爲恕瑣繫爲詳乎故岐志於史而鹵莽滅裂以爲之其爲志也必私且俚體史於志而錯綜條貫以爲之其爲志也必善而足徵孰謂志不可以爲史哉吾郡

舊有志修于康熙癸丑距丙戌三十五年缺略而無紀於是太守西齋馬公檢閱於政教之大端而修舉乎前人之所未及慨然以郡志爲已任曰抱殘守缺世數漸湮及今不修將必置文獻於無徵委掌故于草莽矣然而往牒虛存前修欲墜其間紕謬不一端穢蕪非一節奈之何其因陋而就簡也乃始下檄各屬縣遠採遺聞近徵善蹟而澤之以經籍潤之以詞華酌之于古今裁之於中正閱五年而成志表傳九十二卷適余偃息廬次請而讀之見其發凡起例一準諸舊史而於前志之者刪之遺者補之誤者正之俚者文之洵近日志家之所無而駸駸乎絜美于東觀之遺編較隆于西京之鉅製矣於以上之史館豈不足仰贊

聖天子右文之治哉抑余又見今之爲志者大約雜取於衆擎而促辨於數月異喙爭鳴未必其有公是分曹督竣未必其能貫通而且莫析於魯魚亥豕之訛文不辨乎郭公夏五之脫簡猥曰志之爲志不同於史也嗚呼豈真志之不同於史哉取西齋是志讀之可以知所從事矣豈

康熙五十年歲在辛卯春正月旣望郡人曹曰瑛

序

康熙乙酉余奉

命來守是邦即求是邦之故實而討論之庶以審天時
地利之所宜土俗民風之所習以期無失乎興除
損益之大要乃檢舊日之所爲志者則又穢蕪脫
落不足取徵而且自癸丑至丙戌已歷三紀戶口
之登耗幾何物產之盈縮幾何災祥水旱之徵驗
幾何人材輩出時事迭更若不有以編次而纂輯
之則無以紹遺聞於曩昔傳信紀於來茲矣於是
咨之六邑掌故家得遺書之善者以爲據依採三
十餘年來人文事蹟以爲增續而又考証之於羣

籍取裁之於諸史另起義例得志表傳三類共九十二卷計始事於丙戌之春訖事於辛卯之夏凡六改歲而書成自維卑陋不足以當作者之目而較之前志所列不敢承其訛而必爲正之不敢因其冗而必爲刪之不敢聽其缺略而必爲補之則庶乎其有一得也夫郡縣志之所以聊且而粗略者其弊有三一則局於成見也舊文相襲以爲不可移故事相沿以爲不可改寧乖刺於史傳而不可易夙昔之傳聞則可信者半而可疑者亦半矣一則徇於衆口也某某爲鄉邦之望某某爲文學之良雜拉一堂議論蠶起究之畸好畸惡人挾一私則所爲是者未必是而所爲非者未必非矣一則迫於定期也有司憚供億之煩從事期報竣之速前後不相貫彼此不相符則舍舊而圖新挂一而漏萬矣余惟懼此三者之失故成之於一手遲之於五年夫亦曰不拘執成見以爲此邦留文獻之真耳若謂藉筆墨之工侈比事屬辭之勝以自附於

盛朝著作之林也則俗吏烏乎敢言

康熙五十年歲在重光單闕鶉首之月上浣六日

中憲大夫江南池州府知府加六級襄平馬世永
序

池州府志目錄

圖

星野圖

舊志無
今增

長江圖

舊志無
今增

府輿地總圖

舊志無
今增

府治圖

舊志無
今增

府署圖

舊志無
今增

貴池縣輿地圖

舊志無
今增

青陽縣輿地圖

舊志無
今增

青陽縣治圖

舊志無
今增

銅陵縣輿地圖

舊志無
今增

銅陵縣治圖舊志無

石埭縣輿地圖舊志無

石埭縣治圖舊志無

建德縣輿地圖舊志無

建德縣治圖舊志無

東流縣輿地圖舊志無

東流縣治圖舊志無

九華山圖舊志無

齊山圖舊志無

卷第一

沿革志

卷第二

星野志

卷第三

疆域志

卷第四

形勝志

卷第五

風土志

卷第六

山川志一 貴池齊山上

卷第七

山川志二 貴池齊山下

卷第八

山川志三 貴池山

卷第九

山川志四 貴池川

卷第十

山川志五 青陽九華山上

卷第十一

山川志六 青陽九華山中

卷第十二

山川志七 青陽九華山下

卷第十三

山川志八 青陽

卷第十四

山川志九 銅陵

卷第十五

山川志十 石埭

卷第十六

山川志十一 建德

卷第十七

山川志十二 東流

卷第十八

賦役志 有全書不另立

卷第十九

城池志

卷第二十

廨宇志

卷第二十一

學校志

卷第二十二

書院志

卷第二十三

秩祀志

卷第二十四

禮儀志

卷第二十五

溝洫志

卷第二十六

郵遞志

卷第二十七

營汛志

卷第二十八

食貨志

卷第二十九

災祥志

卷第三十

藝文志

卷第三十一

未立池州以前世表

卷第三十二

既立池州以後世表

卷第三十三

職官表一 監司

卷第三十四

職官表二 府

卷第三十五

職官表三 貴州

卷第三十六

職官表四 青陽縣

卷第三十七

職官表五 銅陵縣

卷第三十八

職官表六 石埭縣

卷第三十九

職官表七 建德縣

卷第四十

職官表八 東流縣

卷第四十一

職官表九 府學

卷第四十二

職官表十 貴池縣學

卷第四十三

職官表十一 青陽縣學

卷第四十四

職官表十二 銅陵縣學

卷第四十五

職官表十三 石埭縣學

卷第四十六

職官表十四 建德縣學

卷第四十七

職官表十五 東流縣學

卷第四十八

職官表十六 武職

卷第四十九

職官表十七 雜職

卷第五十

辟薦表

卷第五十一

科目表

卷第五十二

武科表

卷第五十三

封蔭表

卷第五十四

名宦傳一 監司

卷第五十五

名宦傳二 府

卷第五十六

名宦傳三 縣

卷第五十七

名宦傳四 教職

卷第五十八

漢嚴譚唐費冠卿傳第一

卷第五十九

唐左難當傳第二

附桂成

宋胡仲先

明錢清 鄭舜

曹信 柯德禮 李 陳賢甫 金宣 柱

卷第六十

唐胡武盧周顧張杜傳第三

附王希羽 熊俊

卷第六十一

唐桂武仲宋湯允恭程九萬 子松

阮麟翁傳

四

卷第六十二

吳毅文圭南唐湯悅 弟淨 伍喬傳第五

卷第六十三

宋樊知古傳第六

卷第六十四

宋盛度鄧聖求檀倬曹緯王鉉章應雷傳第七

卷第六十五

宋檀固華岳傳第八

卷第六十六

明黃觀陳敬宗金焦傳第九

卷第六十七

明卿尹傳第十

張紳 徐謙 施齊臣 篤臣

余可才 余合中

檀欽 羅尚

忠

卷第六十八

明胡孫汪柯徐李傳第十一

卷第六十九

明諫臣傳第十二

卷第七十

明監司傳第十三

卷第七十一

明郎官傳第十四

卷第七十二

明畢鏘傳第十五

卷第七十三

明丁紹軾傳第十六

卷第七十四

明孔貞時貞運傳第十七

卷第七十五

明鄭三俊傳第十八

卷第七十六

忠節傳第十九

卷第七十七

守令傳第二十

卷第七十八

儒林傳第二十一

卷第七十九

理學傳第二十二

卷第八十

文苑傳第二十三

卷第八十一

武勳傳第二十四

卷第八十二

逸民傳第二十五

卷第八十三

孝友傳第二十六

卷第八十四

義行傳上第二十七

卷第八十五

義行傳下第二十八

卷第八十六

列女傳上第二十九

卷第八十七

列女傳下第三十

卷第八十八

流寓傳第三十一

卷第八十九

方外傳一第三十一

卷第九十

方外傳二第三十三 金地藏

卷第九十一


方外傳三第三十四 道

卷第九十二

祖郎趙普勝羅友賢李原祐許山傳第三十五

水部類圖

星野圖



北至安慶府桐城縣界 長江圖 池州府



西至安慶府懷寧縣界



府州徽至南


東至太平府繁昌縣界

池州府

輿地總圖

西北至安慶府望江縣界

望江西九江府彭澤縣界



界縣門和

屬府州池 界縣城桐府慶安至北

東北至太平府繁昌縣界


東至寧國府南陵縣界

東南至寧國府太平縣界



府州徽至南


池州府治圖



池州府志

池州府志


池州府署圖



池州府署圖

池州府志

北至安慶府桐城縣界 貴池縣輿地圖



西至安慶府懷寧縣界

東至青陽縣界

南至徽州府祁門縣界


貴池縣輿地圖

七

輿地圖

青陽縣

北至銅陵縣界



西至貴池縣界


東至寧國府南陵縣界

界縣埭

石至南

圖治

縣陽青



興地圖

銅陵縣

北至太平府繁昌縣界



西至江心無爲州界

陽縣界




東至寧國府南陵縣界

南至青

銅陵縣治圖

池州府志



銅陵縣治圖

卷之八


卷之八

治圖

石埭縣


池州府志圖

池州府志圖



建德縣

治圖



建德縣志

建德縣志

廿五

廿五

北至貴池縣界

輿地圖




府彭澤縣界

西至安慶府望江縣界

輿地圖


東流縣



南至江西九江

東至建德縣界

東流縣治圖



極門

關帝廟

常盈倉

城隍廟

社稷壇

菊江亭

菊江門

迎曦門

察院

縣署

聖廟

通津門

麗山門

圖

長江寺圖



山齊





圖

古人左圖右史誠以史所不能悉者按圖而犁然
 也况池當吳楚之交面帶大江多高山峻嶺其間
 控制之緩急異勢田疇之燥濕異宜邛聚之多寡
 饒瘠異俗遠可以考前哲經營創制之意近可以
 酌目前施政出治之規所關豈淺鮮哉第以數百
 里地而圖于尺幅間廣袤向背易舛誤轉合閱者
 滋眩是有圖不如其無圖也考馬公世永所脩池
 州府志于卷首僅列各圖之目而圖實未繪豈憂
 其舛誤而故為慎重耶亦實覺有缺然也余就閱
 歷所見親為考正復博訪諸故老乃屬善繪者為

補圖雖不敢信其無誤然亦幾爲詳審矣予自雍正癸丑移守以來凡八季於茲名區古蹟以次脩整不復脩載惟蕭相樓爲予所重建而包公井亭九華之捧日亭則予所創也故分附于各志之末俾後之覽者無不脩之感焉肯

乾隆五年歲次庚申嘉平月朔

誥授中憲大夫知江南池州府事加一級靜樂李璋跋

志例

一自

聖朝統一寰區幅員無外康熙十五年復屢
敕翰林諸臣纂修

皇輿表暨

大清一統志於是直省各修通志上之史館既已釐
然大備矣獨是池州一郡自前守朴周二公編纂
成書越今三十餘年未有記載新舊事蹟一槩缺
遺若及今不修將來必益致湮沒而不可蒐攷用
是參酌新舊府志六縣及各山志其近人近事則

憑諸有司所上本家所呈列爲志表傳三類庶幾
一邦文獻較若列者俾采風者有所覽考焉

一前明府志修自正德嘉靖間者已散佚無存矣惟
萬曆間郡守濟南李公屬郡人丁文恪公所修一
書至今尚在其州次部居猶爲近古非若今人之
泛濫而失歸瑣屑而鮮當也故是本所採舊志爲
多

一池上掌故家有劉徵君城池州雜記吳明經光錫
九華全志吳處士非池事未盡錄劉明經廷鑾九
華散錄劉文學漢系齊山圖畫志其文博雅其事
詳核頗足據依故是本亦多採之以補舊志之所
未逮

一按新舊志俱不圖星野殊爲缺事今特補之

一池郡襟帶大江爲扼塞之要新舊志所圖江界連
綴總圖殊未詳盡故是本仿通志所繪江汛地界
支取以作一圖

一舊志各圖自秦漢起新志已刪之矣故不復綴
一封內名山大川爲表爲鎮自不同於潢流培塿也
若九華爲一郡之宗齊山領附郭之勝考古者之
所必究故又圖九華齊山

一舊志立八門新志立三十門或以條分或以類合終未見其確當故是本各志各列不爲強分亦不爲強合也

一凡志分門下例皆冠以小序其辭多涉于泛今刪之

一志沿革似宜仍襲舊文矣然按各史地理志與志所載有大相刺謬者不得不爲更正之而易表爲志從舊也

一斗分揚州雖所包者廣而細按躔次斗杓第三星南正值今池州分舊志未析甚至有誤南斗爲北斗者今特正之而併詳別垣之占驗在吳分與諸宿之入斗度者於後焉

一疆域之有八到始自唐元和郡國志後之作志者祖之今仍舊本而著各鄉鎮於疆域之內蓋本後漢書地理志云

一凡郡縣志必立古蹟一門然其所謂古蹟者不過即在疆域山川之內故是本以古蹟分著於疆域山川二志不另立一門亦竊附於史例耳

一形勝風土俱較舊志增益數條亦即採諸各傳記者也

一新舊志俱略於山川然有不可略者如九華爲域內名山

聖天子之所加禮固一郡之所藉以爲重者如齊山始見賞於杜牧之厥後遊池州者必稱是山爲勝地烏得不另爲標置乎故是本山川志特輯齊山二卷九華三卷

一 九華以峯勝齊山以石勝故特詳之而寺觀之勝即隨地著焉其他山亦如此例

一 古今人或記或賦或詩原因地而作故亦隨地著之凡散見於疆域山川城池廨舍物產及本傳皆是也聞池州最前之志原即各注本條然則非自我作古耳

一 凡志於山川多有假借如荻港之爲繁昌馬當之爲彭澤夫人而知之也而池志摭入之今是本槩爲除汰至於同郡山川各有分界一屬名勝則彼縣收之此縣又收之不幾於攫奪乎故卷內凡屬兩界俱錄之地定以一縣爲歸

一 賦役悉遵

定制故即照全書開載不另立

一 凡志俱立建置門舉城池廨舍學校寺觀橋梁棹

楔等類皆包之今城池解宇學校各爲一志而寺觀則繫之於山川橋梁則歸之于溝洫至棹楔則無與于興除之數各載邑乘以侈壯觀足矣故不列于志

一書院之設所以興賢育才講學考藝原與學校相表裏者也故特志書院至世俗之託空名以爲畏壘計者不與焉

一漢書朔郊祀志後史因之蓋治人事神守土者之所均重也故特志秩祀而名宦祠堂鄉先生丘墓並載卷內其他鄉俗所奉淫祀本屬不經一槩刪去

一國有國禮家有家庭禮郡縣庭歲舉朝賀鄉飲之儀月舉讀法之典與夫接讀

詔書祭雩祈禱何莫非禮凡有官師之責者不可不講也故特志禮儀亦補前志之所無耳

一漢書溝洫志即史記河渠書也所志甚鉅郡縣擬之似乎不倫然農田水利小民衣食之原王政之所務舉故于水道爲支分而派析之而以橋梁堤堰入卷內其曰溝洫者借義也

一舊志不立郵傳甚屬缺事今水陸供應之需俱由

經制甚

盛典也故特志郵遞

一池郡環繞大江江防最要但新志所載江防並非今制故是本特就現行營汛之制輯爲一志則江防舉其內矣

一舊志以古今祥異入諸通考是忽之也今特專立一志

一物出照舊志編入食貨中但舊志類載恒有之物寰宇所同不足示一方之異故是本食貨止載池產之不同于他處者非敢矜多識也

一志之所謂藝文者詩文是也殊不知藝文之名始于班孟堅志諸家所習書篇目今仿其遺意以志池陽所撰輯書籍并撰輯人姓名仍以經史志集雜著次之庶以見此邦亦著作之林耳

一地方大故莫過于兵舊志列兵氛於通考之內新志次兵禦於封鎮之間均未得當故作世表系之史記有年表月表有三代世表又表例有大事記今倣之而分未立池州以前旣立池州以後記其大事併次封鎮轄置亦可與建置沿革互相考証耳

一官師人物志家往往作表系之殊有綱領故是本亦作職官辟薦科目武科封蔭各表

一新舊志於職官世次頗有不序前後者如宋知池州滕元發錢勰俱神宗時人乃敘于南宋嘉定後何其不加詮次若此也凡如此類今悉爲訂正

一舊志於唐刺史內載裴度齊照按度與照本傳俱未云刺池不知前此修志者何以系此二人也然相沿已久而自我去之亦覺太妄故仍舊本登錄

一舊志於唐通判內載常夢錫按夢錫在南唐爲康化軍節度判官非判池州也於宋知州內載蕭振按振知台州紹興二十二年落職謫池州非知池州也是本俱爲刪去

一舊志職官固多脫落新志增數人增之良是也然亦有不當增者如宋知池州增李顯忠按顯忠爲池州都統制孝宗即位賜田百頃兼權池州是權而非真也且舊志載劉光世以宣撫使兼知池州而新志去之是知兼者應去則權者更不應收矣

又增包鼎按鼎與子鴻逵俱進士明人而非宋人而新志俱妄增之何其不察也又於元青陽知縣增徐泰亨按泰亨即舊志所載徐承事承事其官

而泰亨其名也善考據者止應更承事爲泰亨不應另增一泰亨也又於明府學教授增黎大量按大量即舊志所載訓導黎擴擴其名而大量其字也精辨擇者亦止應考訓導教授之爲孰是不應竟增一大量也凡如此類或出於名人文集或見之他縣志書其稱字稱官隨意著筆善讀書者能以意逆志即無此等疵類矣今是本于不當增者仍照舊志去之亦殊覺灑然廓然也

一舊志於青陽縣令載漢竇伯玉於東流縣令載晉陶潛蓋以青陽在漢爲陵陽地東流在晉爲彭澤地耳然其地自彼而析不過如石埭析自涇縣未可云石埭即涇縣也銅陵析自南陵未可云銅陵即南陵也乃欲并彼縣之賢令而借用之終屬牽強故是本竟爲刪去

一銅陵縣志載唐尉房遺直按遺直太宗時人時尚未置銅陵縣何得有尉乎故從府志刪去

一新舊志俱附監司於職官之後今表傳俱移監司於職官之前尊統轄也

一歷代名宦新舊志有不立傳者今據列籍所有補之而舊載陶雅常夢錫二傳又爲刪去蓋以夢錫

非池倅雅則楊行密所署僭竊之臣不足道耳

一舊志人物以賢哲爲冠今志人物又以忠節爲先雖各有取義而意爲區分終未足以昭定論故是本悉去標目止隨世次輯之各立各傳惟忠節儒林文苑孝友獨行等名原係史家所勅作志者因而取之故是本亦照舊編列而仿史例次于後云

一舊志人物無漢人而今志補入陵陽嚴詡按漢陵陽即今石埭詡之爲池人斷斷也且其官以美俗名足以風世故爲合費拾遺立一傳焉

一舊志不爲左難當立專准石埭志有之按難當在唐爲涇人而石埭自涇析其所立猷州在今石埭縣城外三里許非有所假借也故是本爲特立一傳而以後世之起兵自保鄉土者附之則以類從耳

一舊志不爲唐桂武仲立傳惟石埭志有之按劉夢得祭文知武仲亦以文人而立功致通顯者也故以宋湯侍郎程安撫阮陳留合爲一傳焉

一舊志人物有唐張祐孟遲按本傳祐清河人晚歲愛曲阿古淡遂家曲阿曲阿今丹陽縣也而池志則云青陽縣有南陽鄉祐本籍南陽乃青陽之南

陽鄉故撫入之按遲平昌人絕不與池相涉而池志硬摻之爲池人蓋因祐遲皆與刺史杜牧善並有詩篇唱酬所以即借之爲土著然欲如此扭合徒爲有識者之所笑故是本不惜力排成說而去之蓋去其假者正所以見此邦有真面目耳

一唐時池人有王希羽登五老榜最有詩名又臧漬進士與羅昭諫善有詩送之歸池州又南唐九華山人熊皎見賞於陳沆著有南金集此其人聲望未嘗減於孟遲張祐而池志顧遺之總之失考據耳今是本特爲補入

一南唐伍喬本傳亦云喬廬江人廬江距池不過一水且池郡尚有喬舊坊址或喬又籍池州亦未可定故仍舊志收入

一舊志於南唐湯悅官階俱謬誤特甚今改正

一宋初名臣樊若水史及通鑑俱系之爲池州人蓋自其父令石埭即家是邦矣今特立一傳

一宋元人科第舊志輒多傳會奈世數久遠無從考究故仍舊本列載

一志例傳美而不傳惡然章章土著如程松者不可泯沒故爲立傳附於其父後焉

一宋儒有喻樗者建德人也舊志遺之今補入於理學傳

一宋明人有專傳者有合傳者其學業事功自因之以各見矣

一舊志明科目有廣西雲南山東河南籍貫者或其先世本係池人但已荒遠而不可問似難仍入之本籍惟陳副使輕歸葬青陽則自與諸公終始不同矣故是本止登陳輕餘俱不載

一志無爲理學立傳者惟宋史程朱各有專傳今池陽自李古原丁海陽兩先生講陽明之學一時壇坫並立各有師承故爲初立理學一傳

一史志從無武勲傳惟池志列武胄一項故即其中之著有名績者爲立一傳不過因時起義耳

一舊志隱逸載宋宗彧之爲青陽人按宋書彧之係宗炳從弟南陽涅陽人也於青陽何涉故是本竟去之而增唐王繩繩名雖不見於史傳而按耿漳詩則確乎其爲池之隱者也故是本竟增之

一舊志隱逸載唐李昭象按昭象係刺史方玄子池寓公而非池土著也故改入流寓

一新志人物載前宋檀珪按珪爲道濟從孫以子和

遷居石城故即葬珪于此然珪之爲高平金鄉人章章也而竟謂之池人可乎舊志人物載南宋程端中按端中爲伊川先生子因南渡僑居貴池然端中之爲河南人亦章章也而係之池產可乎今並改入流寓則庶幾其不失之誣也

一舊志載例貢掾仕二項今恐太冗去之如二途中有卓然表見者則仍見之各傳焉

一郡縣志例有篤行義行傳大約爲鄉黨自好一流作淵藪之藏充翹楚之目耳然亦間有一二拔俗者未可云盡虛也故仍等本著之

一流寓必須卜居其地或數年或數十年方可入若偶過者載之不勝其載矣故是本去王安石趙明誠而增李昭象曹清者則以其移家池上耳

一是本于方外分別二教又于慈教中爲地藏立專傳明九華之有主也

一鄉俗之言仙者輒舉葛洪彭蠡諸人其說近俚故刪之而詳趙知微事增劉秋浦事補甯成名則皆徵之雜記非漫無所憑也

一史例於最後傳叛逆四裔而志則無之若池州元末遭趙普勝羅友賢之禍甚於黃巢烏可以失紀

故爲立傳以終之

一凡詩文入志必須核實閱舊志所載詩頗有改竄
撰人姓氏者如唐李白下澁灘詩誤爲賈島宋梅
堯臣碧瀾亭詩誤爲李商隱宋陳清隱集中詩改
十數首爲明李雲作其他舛謬如此類不可勝數
今就所知者俱改正之

一舊志載唐李商隱魚龍洞諸詩按本集俱無之故
盡爲刪去

一唐宋人詩以多爲貴舊志中有蒐羅不及者如劉
文房入至德界一律李義山池州城下一絕

嗣立九華一首徐鉉奉使九華山一首示齊山詩
一首李中舟中望九華一首宋張耒銅陵一首楊
萬里阻風池口數首九華曉霧三首陸游洋山磯
一首曹清秋浦行一首沈遼池陽一首初勅二山
二首俱載集中不爲隱僻不知何以遺之今是本
俱一一補入

一舊志有非池州詩而亦摭入者如唐薛逢題昭華
公主廢池館詩鼓吹題改作九華觀廢月池因取
之入九華志然其詩起句即曰曾發簫聲水檻前
則明指主家矣何其不察也又如宋文天祥江行

雜詠詩志改其題爲過池州望九華有感入之然其詩中一聯云五老湖光遠則指廬山之五老峯也湖乃彭蠡也于池何涉邪凡如此類俱已刪去一舊志載宋華岳齊山寺一詩按岳詩原題乃遊溪西寺次府判湯丈韵並非遊齊山也但齊山有此詩石刻故牽入耳今去之

一詩本數首而止登一二首者如唐殷文圭樓上看九華本三絕句而去其二首王安石和平甫古風二首而去其一首是也今亦全錄志中

一宋陳清隱九華詩一百餘首今全錄志中

一文有唐韋表微池州夫子廟麟臺銘宋樓鑄池州教官廳壁記俱錄入

一文如唐杜牧上池州李使君書觀其文無一論及治郡之事而舊志謂此書於池最有關係殊不信然今取其篇末數語入風土志中全則不載

一記序表議等類或爲舊志所收而今志去之者或爲今志所錄而非舊志所有者是本不能兼收惟取其有當者而已連篇累牘無爲也

一舊志載封神之敕恐其近於巫覡故不錄

一志家類有通考雜紀篇目大抵爲摭零拾剩設也

今則各歸各志無所爲餘者故併其目去之
一信以傳信疑以傳疑此作者之所貴有真也今志
家往往承訛襲謬而堅信以爲是得無謬益謬而
訛益訛乎今是本於疑則闕之亦惟恐蹈此失耳
一纂輯一書往往不成自一手蓋謂間見貴乎多摺
據貴乎博參酌貴乎詳討論貴乎當也然異喙爭
鳴適滋聚訟兩端並挾未免徇私且一篇之中前
後自相矛盾十行之內彼此互見參差則亦奚取
乎多人共事歟今是本以一手成之惟覽者鑒其
自用則幸甚豈

康熙五十年歲次辛卯六月上浣襄平馬世永識